

جریدہ علیمیہ

مشیت جلیلہ، اسلامیہ نمک، جریدہ، رسمیه سیدر

غرہ شعبان سنہ ۱۳۳۲

عدو : ۶

آبدہ بر نشر اولنور

برنجی سنہ

فتواخانه عالی مک مقرر ات نقضیه سی

« فتواخانه عالی دن نقض اولنان بهسی قاضیلکنک ۹ ذی الحجه سنه ۱۳۳۲ تاریخلی جتتک اسباب نقضیه سی »
 حجت مذکورده مؤکله مزبورہ نظیفہ نک ذاتی معرفہ اولدینی کوسترلماش و مزبورہ طرفدن بالوکاله ادا ایدن وکیلک وکالتنک دعوی حاضرہ شمولی بیان ایدلماش وعلینہ نفقه تقدیر اولنان محمد ادا اصلا حضور شرعہ دعوت اولنماش و مرقوم اوزرینہ تقدیر قلنان نفقه نک قدر معروف اولدینی اخبار ایتدیرلماش و زوجہ مزبورہ دخی نفقه طلبندہ بولنمش ایکن خصوص مذکور حقندہ حجتده برشی دینلماش اولسی جهتلیله حجت مذکورہ مختل اولدینی کبی صفارک پدرلری موجود وکسبه قادر اولنجه جدلری اوزرینہ تقدیر نفقه لازم کلدکده جدمرقومک بعدہ ابن غائب مرقومه حق مراجعتی اولقی قید و شرطیله تقدیر نفقه اولنسی مقتضی بولندینی حالده بوکادخی دقت اولنماسیله مغایر شرع عالی بولنمشدر .

*

* *

« فتواخانه عالی دن نقض اولنان طر بزون قاضیلکنک ۵ ربیع الاول سنه ۱۳۳۱ تاریخلو اعلامنک اسباب نقضیه سی »
 اعلام مذکورک مندرجاتنه نظراً اولکی اعلام غیابیده مدعی علیه و محکوم علیه بولنان و بو اعلامده معترض صفتندہ حاضر اولان سلیمان بک مبالغ مدعا بهک مقبوضی اولدینی و فقط مدعی پاشانک امریله خصوصات معلومه یه صرف ایلدیکنی سولمشدر . مجله نک بیک درتیوز آلتش اوچنجی ماده سی موجب نه مومی الیه سلیمان بکک مبالغ مذکورده کی یدی یدامانتدر . مبالغ مذکورہ یی پاشانک امریله خصوصات معلومه یه صرف ایتدیکنی ادا ایدن سلیمان بک جانبندن بو امرک اثبات ایدلمشی و عکسی تقدیرده امر ایتدیکنه دائر بالطلب پاشایه یمین ویرلسی لازم کلور . اثبات اولنه مز ، پاشاده بروجه مشروح یمین ایدرسه سلیمان بکک صرف ایتدیکنی ادا ایلدیکی مبالغی ضامن اولسی اقتضا ایدر . و برده شکیه خانمک حصه سندن ؛ سلیمان بکک مأخوذی اولان مبلغک صرفه خانم مومی الیها طرفدن برامر اولدیننه دائر سلیمان بک وکیلی طرفدن مدافعه درمیان ایدلمدیکی و مبلغ مدعا بهک مأخوذتی تحت اعترافده اولدینی حالده شکیه خانمک حصه سندن معارضه دن منعی غیر صحیحدر . بناء علیه حکم اعلام مختل و غیر صحیح اولغله استینافاً فصل دعوی ایدلمسی لازم کلور .

*

* *

«فتواخانه عالی دن نقض اولنان اخلاط قاضیلکنک ۴ ربیع الاخر سنه ۱۳۳۲ تاریخی اعلامنک اسباب نقضیه سی»

۱ — دعوی عقاره متعلق بولندینی جهتله توجه خصوصیت ایچون ذی الیدلکک بالینه نبوتی لازم کلورکن بوندن ذهول اولمشدر .

۲ — دعوی اولنان عقارلر مجلهده بیان اولنان تفصیلاته موافق صورتده تحدید ایدلامشدر .

۳ — مدعی علیها طرفندن اقامه اولنان شهود عقارلرک عرصه لری کیمک اولدینی بیلمدکلرینی بیان ایتدکلری و بناءً علیه عرصه لرک مدعی علیهایه عائدیتی مذکور شهادتله ثابت اولدینی حالده هم ابنیه نک همده عرصه لرک مدعی علیهایه عائدیتته حکم ویرلمشدر .

۴ — تزکیه علیه نک هم شهود و همده طرفین حاضر ایکن اجرا قلندینی اعلامده کوسترلماشدر .

۵ — مدعیه معلوم و مدعیه نک دعواسی صحیح اولق ایچون مدعیه طرفندن تفصیل اولنان مسئله فرضیه نک مناسخه سی یاپیلهرق مدعیه مذکورده نک حصه ارثیه سنک تعیین ایدلسی لابد ایکن بوکاده رعایت اولنماشدر .

۶ — مدعی علیها طرفندن اقامه اولنوب مدارحکم اتخاذه قلنان شهادتده شهود «معلوم الحدود والقصصات خانه و بقیچه لری متوفی صادق کندی نقضی ایچون انشا و تعمیر و اوتوز سنه یی متجاوز ملکی ایکن ...» دیه شهادت ایتمش اولوب حالبوکه برملکی تعمیر ایتک سبب تملک تشکیل ایتیه جکی کبی برملکه اوتوز سنه وضع یدایلمک دخی اسباب ملکیتدن معدود دکلدر .

۷ — مدعیه نک بقیچه حقنده کی دعواسنه مقابل مدعی علیها مذکور بقیچه نک شخص آخره صائلش اولدینی بیان ایتمش و بونک حقنده هیچ برتحقیقات اجرا و وضع یدکیمده اولدینی سوال ایدلمکسزین مجرد مدعی علیهانک سوزی قبول ایدیلهرک مدعیه نک مشترییه مراجعت ایتکده مختار اولدیغنه وشو صورتله دعواسنک ردینه قرار ویرلمشدر .

*
* *

«فتواخانه عالی دن نقض اولنان ایش قاضیلکنک ۱۵ ربیع الاخر سنه ۱۳۳۲» تاریخی اعلامنک اسباب نقضیه سی»

اولاً مأمور مومی الیهک قائممقام متولی نصب یعنی خصوصتی رأی اولدینی وقائم مقام متولی نصبینی ایجاب ایتدیرن حالک یعنی وقف مذکورک متولیس بولمندیغک ویا بولنوبده

فلان سبب شرعیدن طولانی قائم مقام متولی نصبی اقتضا ایتمش اولدیغنک بیان ایدلامسی. ثانیاً متوفای مزبورک بشقه وارثی اولوب اولمدینی بالسؤال وارسه مدعی علیه وارث مزبورک اقراری دیگر لرینه سرایت ایمیجکی جهته بجله نك ۱۶۴۲ نجی ماده سنده مفصلاً بیان اولندینی اوزره حصه سی مقدار یله حکم ایدلمسی لابد اولدینی کی بشقه وارثی اولمدینی تقدیرده وراثتک مدعی علیه وارث مزبوره منحصراً اولدیغنک بیان ایدلمسی اقتضایدر ایکن بوکا دقت اولنلامسی. ثالثاً دکان مذکورک ویرکوی سنویسی ایچون وقوعی ادعا اولنان تأدیده اسباب ثبوتیه معتبره ارا نیلمیوب مأمور مومی الیهک بوبابده کی اقرارینک مدار حکم عد ایدلمش اولسی. رابعاً مأمور مومی الیه مدعی علیه دن هیچ برباره آلمدیغنی ادعا ایتدیکی حالده بعده «شومقدار شیء آلام» دیه واقع اولان اقراری وقف علیه اولق اعتبار یله مجرد اوله رق قبول اولنه میوب اسباب ثبوتیه ارا نغق لازم کلورکن بوجهته دقت ایدلامسی. خامساً بیک یکرمی غروشدن متباقی مبلغک ترکه دن اداسیله حکم اولنق مقتضی ایکن دین مذکور حقنده مدعی علیهک دین ذاتیسی ایتمش کی وجه محرر اوزره حکم اولنمش اولسی.

*
* *

«فتواخانه عالی دن نقض اولنان یوزغاد قاضیلکنک ۲۰ جمادی الاولی سنه ۱۳۳۲ تاریخی اعلامک اسباب تقضیه سی»

مدعی علیها موکله مزبوره نك علی الاصول تعریف ایدلدیکنک بیان اولنلامسی. ثانیاً شهودک؛ شهادتی مبرزسندک خطی ایله زیرنده مطبوع مهر متوفانک خطی ومهری اولدیغنه دائر اولوب تکمله رد مختارک کتاب الشهادتنده «واما اذا شهدوا انه خطه من غیر ان یشاهدوا کتابته لایحکم بذلك وحاصل الجواب ان الحق یثبت باعترافه بانه خطه او بالشهادة علیه اذا عاینوا کتابته او قرأه علیهم والافلا» وكذا فتاوی انقر ویده «رجل کتب علی نفسه بمال معلوم وخطه معلوم بین التجار واهل البلد ثم مات فجاء غریمه یطلب المال من الورثة وعرف خط المیت بحیث عرف الناس خطه حکم بذلك فی ترکهته وقد جرت العادة بین الناس ان مثله حجة» دیه مصرح اولسنه بناء خط وختم مذکوران متوفای مومی الیهک اولدینی بالشهرة والتواتر اثبات ایدلدیجکه شهادت عادیه نك مدار حکم اوله میه جغنک نظره آلملامسی. وترکیه علیه نك محضر شهودده اجرا ایدلدیکنک کوسترلامسی.

*
* *

«فتواخانه عالی دن نقض اولنان سوریه ولایتی مرکز قاضیلکنک ۲۴ جمادی الاولی سنه ۱۳۳۲ تاریخلی حجتک اسباب نقضیه سی»

اولا علی الاصول مدعینک دعواسی ومدعی علیک جوابی بیان ایدلماش واولوجهله دعوی ومدافعه اکلاشلمامشدر. ثانیاً صغیره مزبورہ نک مالی بولنوب بولندیغی ذکر ایدلماش وبناء علیه اتفاق ایتمک اب مرقوم اوزرینه واجب اولدیغی اکلاشله مامشدر. ثالثاً مبلغ مذکور اجرت حضانه وصغیره مزبورہ نک نفقه سی ایچون تقدیر ایدلش اولدیغی وبناء علیه محل صرفی بشقه بشقه بولندیغی حالده مبلغ مذکوری صغیره مزبورہ یه صرفه اذن وامر ویرلمشدر. رابعاً تقدیر مذکور بالتراضی واقع اولدیغی ویا قدر کفایه ده بولندیغنک ارباب وقوف طرفندن اخبار ایدلدیکی بیان ایدلماشدر.

*
* *

«فتواخانه عالی دن نقض اولنان جسرارکنه قاضیلکنک ۲۷ جمادی الاولی سنه ۱۳۳۲ تاریخلی اعلامنک اسباب نقضیه سی»

مدعی علیهمالاب قرنداشلی اولوب اولوجهله اصول فروعدن اولمالمریله معسر اولدقلری تقدیرده نفقه لازم کلیه جکی جهتهله معسر اولدقلرینه دائر درمیان ایتدکلی مدافعه اوزرینه مدعیه دن مدعی علیهماموسر اولدقلرینه دائرینه استماع ایدیلهرک محاکمه اجرا ایدلک لازم کلورکن بوجهت حقنده محاکمه اجرا اولتمقسنزین بروجه محرر نفقه تقدیر ایدلسی.

*
* *

«فتواخانه عالی دن نقض اولنان شامیه قاضیلکنک ۳۰ جمادی الاولی سنه ۱۳۳۲ تاریخلی اعلامنک اسباب نقضیه سی»

اولاً عبدالباقی نک مدعیل طرفندن وکیل اولدیغی اعلامده محکی ایسه ده بووکالتک دعوی حاضره حقنده اولدیغی بیان ایدلماش وبناء علیه طرفینک اصول مشروعده دائره سنده تشکل ایتدیکی منقهم اولمامشدر.

ثانیاً مدعیه لردن زنوبه ایله حضوه نک ذاتلری تعریف ایتدیرلماشدر. حالبوکه معین الحکامده «ویصح تعریف من لایصح شاهدالها سواء کانت الشهادة لها او علیها وقیل لایصح فیها لها واختار النسفی الاول لان هذا خبر لا شهادة وكذا لا یشرط لفظ الشهادة» دیو مصرح بولنان مسئله شرعیه مبنی تعریف ایدلسی لازمدر.

ثالثاً مدعابه عقال اولقله مجله نک ۱۷۵۴ نجی ماده سی موجبجه توجه خصوصیت ایچون وضع بدک بالینه ثبوتی لازمدر. رابعاً مدعی علیک عقارات موروثه نک رضاء تقسیم ایدلش ومدعابه عقالر حصه سنه اصابت ایلش اولدیغی دفعا بیان ایلسی اوزرینه مدعیل

وکیلی قسمت مذکورہ بی بالاقرار شو قدر کہ غبن فاحش ایله واقع اولدینغی در میان ایلمسنه قائل اوله رق لدی الثبوت قسمتک ابطالی لازم کله جکنه مبنی مدعیلردن غبن فاحش اوزرینه بینه طلب ایدلمک لازم کلور کن بوجهته اصلاً تعرض اولنما مشدر . خامساً طرفینه افراز اولتان مقدار؛ حدود اربعه سیله و مقدار مساحه سیله و قیمت لریله توضیح و تفصیل ایدلمک و هر برینک حصه سنی دیگرندن ممتاز قلمق لابد ایکن بوجهته اعتنا اولنیوب « مقداراً معیناً » دینلمکله اکتفا ایدلمشدر . سادساً « ونخل البستانین المذکور تین الحادث الموجود والذی سیحدث بعد ذلک » دیه رک حین حکمه موجود اولیان و بناءً علیه منازعه تعلق ایتمیان اموال معدومه حقنده دخی حکم ویرلمشدر .

*
* *

« قنواخانه عالی دن نقض اولتان ا کردیر قاضیسنک ۷ جادی الاخره سنه ۱۳۳۲ تاریخی اعلامک اسباب نقضیه سی »
اولاً مدعیه متعدد مورثلره وراثت ادعا سنده بولندینغی مسئله فرضیه ده مناسبه موجود اولدینغی جهته قاعده فرضیه وجهله مناسبه یا بیلمقله برابر انحصار وراثتک اثبات ایتدیرلمسی لازمدر .

ثانیاً مدعیه مجلس محاکمه دن غائب بر طاقم اموال و اشیائی دعوی ایتدیکی جهته مجله نك ۱۶۲۰ نجی ماده سی موجبجه وصف و تعریف و قیمت بیان ایتدیرلملیدر .

ثالثاً مدعیه مدعی علیک آخره بیع ایلدیکی دکائی طلب ایدیور دکاتک عینی طلبده مجله نك ۱۶۳۵ نجی ماده سی موجبجه واضع الیددن دعوی ایدلمک لازم کلور . ثمن مسمان حصه ارثیه نك طلبنده مجله نك ۳۷۸ نجی ماده سنده محرر بیع فضولینک اجازتک شرائطی تدقیق ایدلمک ایجاب ایدر . ایددی بیع و تسلیم سببیه غاصب اولسندن طولای قیمتی طلب ایدییه رسه زمان بیع و تسلیمده کی قیمت بیان ایتدیریلرک آکا کوره دعوی تصحیح ایتدیرلمک ایجاب ایدردی .

رابعاً تزکیه علیه اثناسنده شهودک حاضر بولندقلری کوسترلمیور .

خامساً مدعیه نك والد و مورثه سندن معلوم خانه نك ثمن حصه شایعه بی اشترا ایلدیکی حقنده کی دعواسی ایچون اسباب ثبوتیه دن هیچ بری موجود اولدینغی حالده حکم ایدلمشدر .

سادساً مدعی؛ مذکور خانوده والده سنك ثمن حصه ارثیه سی بولندینی بیانیه بوندن حصه ارثیه طلب ودعوی ایتدیکی حالده اخیرا مذکور ثمن حصه سی «والده مدن صاتون آلد» بولنده کی ادعاسنده تناقض موجود ایکن نظر دفته آلمانمشر .

سابعاً ترکه دن اولوب مدعی علیه طرفدن صالندینی بیان اولنان دكانك ثمنندن مدعیه افراز اولنان حصه ده سهو بولتمشر .

ثامناً مدعیك لام برادرندن والده سنه اموال معلومه دن ثلث حصه اصابت ایتدیکی بیان اولنیورسده اعلامده محکی بولنان ورثیه کوره لام برادرندن والده سنه ثلث حصه اصابت ایتمه سی لازم کلوردی . بناءً علیه اعلام خطیآت ایله مالی ومالی مشوش وصک وسبکی مختل بولنقله یکیدن اجرای محاکمه وتوقيع حکم ایدلک ایجاب ایدر .

*
* *

«فتواخانه مالی دن نقض اولنان بارطین قاضیلکنك ۲۴ رجب سنه ۱۳۳۲ تاریخلی اعلامنك اسباب نقضیه سی»

مدعی خطیب اقدی به ایفای خدمت ایتدیکی وبناءً علیه وظیفه به مستحق بولندینی بولنده دعواسی تصحیح ایتدیرلما مشدر . چونکه مجرد خطابت عهده سنده بولنقله خطیب وظیفه سنه مستحق اوله ماز . مدعی طرفدن سرد اولنان مدعیات مدعی علیه جانبندن اعتراف اولنشیکن مدعی علیه یمین ویرلمسك سبی یمین هانکی خصوصه ونه صورتبه ویرلمش بولندینی کوسترلما مشدر . مدعی علیه طرفدن سویلنان سوزلرك جمله سی دفع شرعیدن معدود اولمادینی حالده تفریق ایدلکسزین هیئت عمومیه سی دفع کبی کوستریله رك هیئت مجموعه سی اعتباریه مدعی به یمین ویرلمش ویمینك صورتی کوسترلما مشدر .

تبلغات عمومی

«ملکیه مفتشلرینك دائرة تفتیشلری داخلنده بولنان مأمورلره اصول ونظامی دائرة سنده وقوعبوله جق مراجعتارنده بو بایده کی تعلیمات احکامنه توفیق معامله اولنسی حقنده»

ولایاتده ایفای وظیفه ایدن ملکیه مفتشلرینك دائرة تفتیشلری داخلنده بولنان وداخلیه نظارتیه مربوط اولیان مأمورینه حسب الزوم مراجعتارنده استحصال معلومات خصوصنده دوچار مشکلات اولدقلری وقوع بولان اشعاراتدن اکلشلا دیغندن ومفتشلرك ساحه تفتیشنی توسیع وتدقیقاتی توثیق ایچون لزوم کوردکلری معلوماتی بالعموم دوائر رسمیّه حکومتدن طلب ایدم جکلری اولبایده کی تعلیماتک اون التنجی ماده سی احکامی اقتضاسندن بولندیغندن بحثله مفتشلر طرفدن مأمورین مومی الیهمه اصول ونظام دائرة سنده